

Երկրորդ հրատարակություն



Ուղեցույցը մշակվել և տպագրվել է Հայաստանի արհմիությունների կոնֆեդերացիայի (ՀԱՄԿ) Աշխատանքային միգրանտների իրազեկման կենտրոնի կողմից Աշխատանքի միջազգային

կամակերպության «Ռուսաստանի Դաշնությունում միգրանտ աշխատողների պաշտպանության բարելավման և Հարավային Կովկասում միգրացիայի դրական ազդեցության ընդլայնումը ծրագրի շրջանակներում՝ Եվրամիության ֆինանսական աջակցությամբ:

Ուղեցույցում զետեղված նյութերի համար Եվրամիությունը և Աշխատանքի միջազգային կազմակերպությունը պատասխանատվություն չեն կրում:



With funding by
the European Union



Հարգելի հայրենակից՝

Աշխատելու նպատակով այլ պետություն մեկնելը հաճախ պայմանավորված է դժվարություններով և բազմաթիվ խոչընդոտներով: Եթե Դուք պատրաստվում եք մեկնել Ռուսաստանի Դաշնություն (ՌԴ) աշխատելու նպատակով, այս ուղեցույցում տեղ գտած խորհուրդները կօգնեն Ձեզ խուսափել Ռուսաստանի Դաշնությունում հարկադիր աշխատանքի, անօրինակ ան գործողությունների կամ մարդկանց շահագործման գոհ դառնալու վտանգից:

Ուղեցույցը հնարավորություն կտա տեղեկանալ Ձեր իրավունքներին և պարտականություններին Ռուսաստանում և կօգնի գերծ մնալ հնարավոր վտանգներից:

Յիշե՛ք

օրինական միգրանտ աշխատողները անգնահատելի ծառայություն են մատուցում իրենց աշխատանքով և ընդունող երկիրը պարտավոր է ապահովել նրանց արժանապատիվ աշխատանքով ու միջոցներ ձեռնարկել այն պաշտպանելու ուղղությամբ:

Լրացուցիչ տեղեկություններ և անվճար խորհրդատվություն ստանալու համար զանգահարեք +37410 58 92 31 հեռախոսահամարով կամ այցելեք Հայաստանի արհմիությունների կոնֆեդերացիայի Աշխատանքային միգրանտների իրազեկման կենտրոն՝ ք. Երևան, Վ. Սարգսյան 26/3, 806 սենյակ:

1. Հավաստի տեղեկատվություն ունեցե՛ք Ձեր աշխատանքի, դրա պայմանների և գործատուի վերաբերյալ:

Ծանոթացե՛ք Ձեր իրավունքներին և պարտականություններին համաձայն ՌԴ օրենսդրության:



2. Մի՛ տրամադրե՛ք Ձեր անձնագիրը և այլ կարևոր փաստաթղթերը այլ անձանց:



3. ՌԴ տարածքում գտնվելու ընթացքում անձնագիրը կորցնելու դեպքում անհրաժեշտ է դիմել ՀՀ դեսպանատուն, հյուպատոսարան՝ վերադարձի թույլտվության վկայական ստանալու համար: Վկայական ստանալու համար անհրաժեշտ է ներկայացնել դիմում:



4. Սահմանը հատելիս անհրաժեշտ է ներկայացնել՝

- ՀՀ անձնագիր
- ՌԴ միգրացիոն քարտ

Միգրացիոն քարտի ձևաթուղթը տրամադրվում է անվճար սահմանը հատելու ժամանակ անցագրային կետում կամ օրինակ, օդանավի անձնակազմի կողմից: Լրացրեք միգրացիոն քարտի համապատասխան **“A” և “B”**

հատվածները և ստորագրեք:

Ուշադրություն.

Եթե Ռուսաստան եք մեկնել աշխատելու նպատակով, ապա միգրացիոն քարտում **«ժամանման նպատակը»** բաժնում ընդգծեք **«աշխատել»** բառը:

Անձնագրային ստուգման կետում հանդգվեք, որ միգրացիոն քարտի վրա դրվել է մուտքի կնիք և հետևեք, որպեսզի **“B”** հատվածը վերադարձվի


Ձեզ:



5. Միգրացիոն քարտի **“Ե”** հատվածը պահեք Ձեզ մոտ մնացած փաստաթղթերի հետ ՌԴ-ում գտնվելու ամբողջ ընթացքում և վերադարձրեք այն վերադառնալիս անձնագրային ստուգման կետում:



6. Ռուսաստանի Դաշնությունն մուտք գործելու օրից երեք աշխատանքային օրվա ընթացքում անհրաժեշտ է հաշվառվել Ձեր բնակության վայրի տարածքային միգրացիոն ծառայությունում:



7. Հաշվառման համար ծանուցման բլանկը կարող եք վերցնել փոստում կամ ցանկացած միգրացիոն ծառայության կետում:



8. Միգրացիոն ծառայությունում հաշվառվելուց հետո Դուք կարող եք **90 օր** օրինական գտնվել ՌԴ տարածքում:



9. Միգրացիոն հաշվառման կարգի և/կամ ժամկետների խախտումը կարող է հանգեցնել վարչական պատասխանատվության **2000-5000** ՌԴ ռուբլի տույժի չափով, իսկ առանձին դեպքերում՝ երկրից արտաքսման:



10. Եթե որոշել եք աշխատել ՌԴ-ում, ապա՝ Ֆիզիկական անձ գործատուի մոտ (օրինակ՝ այգեպան, դայակ...) աշխատելու համար ձեզ անհրաժեշտ է ունենալ **Պատենտ**, որի համար հարկավոր է միգրացիոն ծառայության տարածքային մարմին ներկայացնել



- դիմում Պատենտ ստանալու մասին,
- անձը հաստատող փաստաթուղթ,
- միգրացիոն քարտ,
- ֆիքսված ավանսային վճար՝ ամսեկան 1000 ՌԴ ռուբլի

Պատենտը տրվում է 1-3 ամիս ժամկետով:

Պատենտի ժամկետը կարող է բազմիցս երկարաձգվել 3 ամսով՝ ամսեկան 1000 ՌԴ ռուբլի վճարի դիմաց: Պատենտի գործողության ժամկետը երկարացված է հաշվվում այն ժամանակահատվածով, որի համար Դուք վճարել եք ֆիզիկական անձանց համար նախատեսված եկամտահարկը՝ ֆիքսված ավանսային վճարի տեսքով: Այս դեպքում չի պահանջվում դիմել միգրացիոն տարածքային ծառայություն: Պատենտի գործողության ժամկետը դադարեցվում է այն օրվանից, որը հաջորդում է նախորդ վճարած եկամտահարկի ժամանակահատվածի վերջին օրվան:

Այն դեպքում, երբ համապատասխան բյուջե վճարվելիք հարկի ընդհանուր գումարը, որը Դուք հաշվարկել եք Պատենտի հիման վրա իրականացված Ձեր աշխատանքային գործունեությունից փաստացի ստացած եկամուտներից, գերազանցում է ֆիքսված ավանսային վճարի գումարը տվյալ հարկային հաշվետու ժամանակահատվածում, ապա Դուք պարտավոր եք ներկայացնել հարկային հայտարարագիր:

Միևնույն ժամանակ Պատենտի գործողության ամբողջ ժամանակահատվածը չի կարող գերազանցել 12 ամիսը, Պատենտը տրամադրելու օրվանից:

Պատենտը ստանալու օրից 12 ամիսը լրանալուց հետո Դուք կարող եք կրկին դիմել միգրացիոն ծառայության տարածքային մարմին նոր Պատենտ ստանալու խնդրանքով:


Եթե Պատենտի ժամկետը չի երկարաձգվում կամ նորը ունենալու անհրաժեշտության դեպքում չեք դիմում այն ստանալու համար, և լրացել է Ձեր՝ ՌԴ-ում օրինական գտնվելու ժամկետը, ապա Պատենտի ժամկետի ավարտի օրվանից **15 օրվա** ընթացքում Դուք պարտավոր եք լքել ՌԴ տարածքը: Նշված 15 օրերի ընթացքում Ձեր՝ ՌԴ-ի տարածքում գտնվելը համարվում է օրինական:

Եթե Դուք ունեք Պատենտ, սակայն դադարում եք աշխատել ֆիզիկական անձ գործատուի մոտ և որոշել եք աշխատել իրավաբանական անձ գործատուի մոտ, ապա՝ *st'us kets 11-ը*:

Պատենտը համարվում է օրինական միայն օրինական միգրացիոն հաշվառում ունենալու դեպքում:

11. Իրավաբանական անձ գործատուի մոտ (օրինակ՝ շինարարական կազմակերպություն) աշխատելու համար Ձեզ անհրաժեշտ է աշխատանքի թույլտվություն, որն ունենալու համար հարկավոր է միգրացիոն ծառայության տարածքային մարմին ներկայացնել

- դիմում 2 օրինակից,
- անձնագիրը և պատճեն,
- միգրացիոն քարտը,
- պետական տուրքի անդորրագիրը (2000 ՌԴ ռուբլի արժողությամբ),
- 30x40 մմ չափի գունավոր լուսանկար




12. Աշխատանքային գործունեություն ծավալելու թույլտվություն ստանալուց հետո **30 օրվա ընթացքում** անհրաժեշտ է անցնել բժշկական զննում: Եթե նշված ժամկետում Դուք չեք տրամադրում համապատասխան բժշկական փաստաթղթերը , ապա Ձեզ տրամադրված աշխատանքի թույլտվությունը կորցնում է իրավաբանական ուժը:



13. ՌԴ-ում աշխատանքի անցնելուց առաջ Ձեր գործատուի հետ կնքեք աշխատանքային կամ քաղաքացիաիրավական պայմանագիր, որը կնքվում է ոչ ավել, քան մեկ տարով, սակայն կարող է երկարաձգվել:



14. Աշխատանքային հարաբերություններում օրինական միգրանտ աշխատողներն ունեն նույնպիսի իրավունքներ, ինչպիսին տեղացի աշխատողները:



15. Յուրաքանչյուր ոք իր շահերը պաշտպանելու նպատակով իրավունք ունի ստեղծելու արհեստակցական միություններ և անդամակցելու այդ միություններին:
(Մարդու իրավունքների համընդհանուր հռչակագիր):



Ընդունող երկրում հնարավոր վտանգներից, աշխատավայրում դժբախտ պատահարներից և շահագործումներից հնարավորինս խուսափելու համար դիմեք արհմիություններին: Ամբողջ աշխարհում օրինական միգրանտ աշխատողների շահագործման կանխարգելման ամենաարդյունավետ միջոցներից մեկը նրանց՝ արհմիությանը անդամակցելու իրավունքը իրականացնելն է: Ցանկացած աշխատող, այդ թվում՝ օրինական միգրանտ աշխատողը, արհմիությանը անդամակցելով, ավելի պաշտպանված է գործատուի չարաշահումներից:

Արհմիություններում միավորումն անխուսափելի է, քանի դեռ գոյություն ունեն հակադիր շահերով մարդկանց երկու խմբեր: Գործատուի շահը կայանում է աշխատողին շատ աշխատեցնելու և հնարավորինս քիչ վարձատրելու մեջ: Միևնույն ժամանակ աշխատողները ցանկանում են իրենց աշխատանքի դիմաց ստանալ արդարացի և արժանապատիվ վարձատրություն:

Շահերի հենց այս բախումն էլ բերեց արհմիությունների ստեղծմանը: Այն միակ գործիքն է գործատուի հետ աշխատողների կոլեկտիվ խնդիրները լուծելու համար:

Միայնակ մենք չենք կարող պաշտպանել մեզ գործատուի անարդարացի կամակատարություններից և տուգանքներից, աշխատանքից անօրինական ազատումներից: Չենք կարող հասնել աշխատանքային պայմանների բարելավման:

Հաճախ մարդը ստիպված է լինում համաձայնել գործատուի կողմից սահմանված բոլոր պայմաններին՝ անտեսելով իր իսկ իրավունքներն ու շահերը նույնիսկ չնչին աշխատավարձի դիմաց, քանի որ առանց աշխատավարձի հնարավոր չէ գոյատևել:

Միավորվելով արհմիություններում՝ աշխատողները կարող են հաղթահարել իրենց աշխատանքային խնդիրները:

Ունենալով արհմիություն՝ մենք ստիպված չենք լինի կուրորեն ենթարկվել գործատուի քմահաճույքներին:

Ստեղծելով հզոր արհմիություն՝ մենք հնարավորություն ենք ստանում գործատուի հետ շփվել ինչպես հավասարը հավասարի, վերադարձնել մեր կորցրած արժանապատվությունը, որն այնքան դժվարությամբ ձեռք ենք բերել: Մենք ինքներս ենք հսկողություն սահմանում մեր աշխատանքի և ապրելու պայմանների նկատմամբ:

Աշխատողները, առանց որևէ տարբերության, իրավունք ունեն իրենց ընտրությանը ստեղծելու կազմակերպություններ, ինչպես նաև անդամակցելու այդպիսի կազմակերպություններին՝ վերջիններիս կանոնադրություններին ենթարկվելու միակ պայմանով, առանց նախնական թույլտվության: (ԱՄԿ թիվ 87 Կոնվենցիա, «Միավորման ազատության և կազմակերպելու իրավունքի պաշտպանության մասին»):

Արհմիությունն ստեղծելու իրավունքը լայնորեն տարածվում է բոլոր աշխատողների վրա, անկախ մասնագիտությունից, սեռից, մաշկի գույնից, ռասայից, հավատքից, ազգությունից, քաղաքացիությունից, քաղաքական հայացքներից:



Անհրաժեշտ հեռախոսահամարներ և հասցեներ`

Հայաստանի արհեստակցական միությունների կոնֆեդերացիա (ՀԱՄԿ),

Աշխատանքային միգրանտների իրազեկման կենտրոն

հասցե` ք. Երևան, Վազգեն Սարգսյան 26/3, 806 սենյակ
հեռախոս` +374 10 58 92 31

ՌԴ-ում ՀՀ դեսպանություն

հասցե` Մոսկվա, Արմյանսկի պերեուլոկ, տուն 2
հեռախոս` (495) 625 73 05
URL: www.armenianembassy.ru

ՌԴ-ում ՀՀ գլխավոր հյուպատոսություն

հասցե` Սանկտ-Պետերբուրգ, Դեկաբրիստների 22
հեռախոս` (812) 571-72-36

ՌԴ-ում ՀՀ հյուպատոսական կետ Սոչիում

հեռախոս` (86222) 974 428

ՌԴ-ում ՀՀ հյուպատոսական կետ Ռոստովում

հեռախոս` (863) 253-64-54, (863) 253-67-45

ՆՇՈՒՄՆԵՐԻ ԶԱՄԱՐ
